

1931 年

第 2 期

198

國立北平圖書館藏

民氣

目錄

- (一) 論黨務外交之四傑……………李書俠
- (二) 東北事變與民衆自決的必要……………黎又霖
- (三) 訪問王廷記……………書俠
- (四) 黔人請願查辦毛光翔之一篇妙文……………俊木
- (五) 黔毛清查田畝……………伯與寄自貴陽
- (六) 黔政一斑……………步高自黎平通信
- (七) 貴州民衆的自救方法……………書俠
- (八) 論黔災之妙……………書俠
- (九) 所謂邱文伯妄改約法者……………古俠
- (十) 胡說八道……………書俠
- (十一) 新聲律一打……………書俠
- (十二) 蔣介石易和三元難符四喜……………書俠
- (十三) 貴州之三多九如……………洪江一商人投稿
- (十四) 集戲目荷花三娘子別傳……………書俠
- (十五) 餘瀝……………書俠
- (十六) 本社李書俠爲捐助建築韓光第紀念塔致時事新報之駢啓
- (十六) 關於黔政黑幕之一函

◆◆◆◆◆
言 論
◆◆◆◆◆

論黨務外交之四傑

汪精衛與胡漢民

陳友仁與王正廷

(李書俠)



精衛漢民四字之膾炙人口。遠在民國紀元以前。凡稱中山幕中人物者。幾以此四字爲總代表。直至寧漢分裂。乃各挾一部分之信徒以分道揚鑣。左袒汪者。則罵胡帶有灰色。右袒胡者。則詆汪接近赤化。其實兩人皆爲中山門下具有德行言語政事文學四科之全才。允堪景仰。若就兩人比較之。胡雖以熱忱風骨。高出中央一切要人之上。然守志好名。實不及汪遠甚。試論大要。則(一)汪有稟承中山意旨。舍生雖擊滿虜之光榮歷史。胡於癸丑之役。反一再不聽中山發難之命。(二)汪曾組織進德會以示決不入官。胡則戀棧廣東都督以貽人口實。(三)汪能對不合作主義堅持到底。胡則毫不見機。自取其辱。(四)汪始終不失學生態度。表現精誠。胡則類似政客。盡詞敷衍。(五)汪尙有容人之量。胡則極其狹小。此胡不及汪之大較也。雖然。汪亦有可議焉。漢口

廣州之變尙有可原。惟孫科本中山之不肯子。可引作丹朱商均之證明。而劉紀文公罪之貪賊私罪之叛蔣。亦爲人類所難容。汪氏。不加鄙棄。反爲歡迎。豈真有愛於民國耶。

陳友仁在革命外交時代。頗以船尾簽字之說風靡全國。尤以能得英外相張伯倫之直接覆電。而對吾國之國際地位上爭光不少。然按諸實際。當日革命蓬蓬字字之朝氣。適與今日委委靡靡之暮氣成爲反比。而英人之所以隱忍者。更慮鮑樂廷挾其惡化之勢力以主持內幕也。故友人何廷述君謂北伐時期之外交部長。可說是鮑樂廷而非陳友人。雖覺言過其實。又不可不作如是觀矣。至王正廷之外交歷史如何。自有事實爲最大之雄辯。讀過民國外交史及國民政府外交史者。莫不知其人之有相當手腕與毅力。他如關稅自主。收回數處租界。裁撤幾國領判權等等。卽顏惠慶亦稱及之。其不得國人之重視者。蓋爲蔣介石三年後必取消一切不平等條約之大話所掩。然則使王氏之任外長幸而在北伐時期。必較出席巴黎和會爲有名。使陳氏不幸而長國民政府之外交。其受全國唾罵。必甚於前此赴日出賣東三省之嫌疑萬倍矣。故余之於老黨員。則有取於汪。對外交之人才。則獨重於王。

東北事變與民族自決的必要

(黎又霖)

自締結江甯條約以迄於今。垂百年矣。辱國喪權。每况愈下。九一八事變。吾中華民族之危機已達嚴重的階級。人爲刀俎。我爲魚肉。束手而受人宰割。恐天下無此惰民也。以惰民而當國競最烈之秋。是自速其覆亡也。自強者存。自棄者亡。要在國人之自決耳。吾中華民族。有悠久之歷史。光輝之文化。其貢獻人類之偉績。不減希臘羅馬。中間雖迭受外族之蹂躪。然在短期間內。卽能恢復其民族性的抵抗。近頃以還。復受世界資本主義侵畧之影響。其百年間之歷程。由個別的競爭性、漸成個別的獨占性。以暴露帝國主義之猙獰面目。而國人惕於積威。忸於僥倖。麻木消沈。不思振拔。故日人敢於列強環伺之中。一舉而佔我東北三省。

吾遼東三省幅員之廣。寶藏之富。關係民族之興替。世界之安危者。實深且鉅。日本欲達其大陸建國之目的。不惜施行其狂妄的強盜政策。夫帝國主義侵畧吾國者固多。其極積的使吾人無喘息之餘地者。莫如日本。觀其北進政策之步驟。初則努力於朝鮮問題。甲午戰後。遂進而爲鮮滿問題。田中義一之對華極積政策。不過總結明治以來之舊帳而已。日人侵畧之路。不外南進而北進。欲南進耶。則太平洋上之障礙方多。恐不勝海軍擴張之担負。且縱能擴張海軍。亦爲列強均勢所不許。南進旣不能。惟轉而北向。亟謀兩港兩路之完成。北可劫持東鐵。南可牽制北寧。舉國上下。惟侵華之是圖。無所謂民政黨。無所謂政友會。更無所謂薩長軍閥。苟有侵犯吾國之機會者。

莫不一致動作。以達明治天皇侵畧滿蒙之宿願。故乘吾人之危。突佔關東三省。吾國政府。事前既無武力準備。事後又無外交聲援。舉國惶惶。茫無所措。怛怛覩覩。仰鼻息於國聯。一若平反冤獄惟此是賴者。其實國聯之威力。直等於木偶。吾國乞靈於國際空洞的法律保障者。約有三事焉。

(a) 國際聯盟約章。

(b) 巴黎非戰公約。

(c) 華盛頓九國條約。

今試條舉言之。以證明民族自決之必要。原來武裝國際間之所謂和平仲裁條約。不過戰神疲乏後的微笑。非真有禁攻寢兵抑強扶弱之能力也。一九二三年。意大利未經國聯及國際法庭的解決。突以武力佔領希臘之哥甫島、及附近島嶼。明明違背約章。而國聯僅以大使會議敷衍塞責。既不敢開罪於意。甯敢開罪於日乎。中日事件發生。國聯兩次議決限日撤兵。日人悍然不顧。今二次開會矣。不惟日兵不撤。且有種種進攻的暴行。而調查團之組織。似有祖日表示。國聯價值。如此而已矣。縱使無九一八事變之發生。苟有他國起而犯我。吾恐國聯未必能仗義直言作法律上之保障。此不能仰賴國聯。吾民族亟應起而自決者、又一也。一九二八年。巴黎非戰公約。含義亦復空洞。無實際的制裁方法。而英法兩國所附帶的『自衛戰爭』之保留條件。足使該約一百

三十餘字等於廢紙。一九二二年華盛頓之九國公約。僅就第一條謂「洛德原則」之適用已足保障中國而有餘。然美之對日。非有愛於中國也。爲爭太平洋上霸權而已。日本固爲美之假想敵。但俄人五年計劃的成功。經濟組織。日見完善。其勢駸駸南下。角逐於滿洲。美人在太平洋沿岸之市場。自然受相當影響。假使因此事件日俄衝突於滿洲。衝突之餘。兩必受損。美固不喜日敗。亦不願俄勝。或將於日俄疲憊之時操縱其間。以促成美國太平洋上海王之地位。苟不幸而言中。則美國對東北事變。必待一舉兩得之機會。苟此機會未成熟以前。吾人不得志於國聯。而求直於華盛頓。恐亦未必如願。試觀廿五號華盛頓電訊。美國要人謂「召集九國條約簽字國以解決中日糾紛。爲時尚早。」即可推知個中底蘊。斯又證明不能仰賴他人。吾民族亟應起而自決者又一也。環顧內外之形勢。惟努力於自決的途徑。總合吾人之全智全能。以發揮整個民族的抵抗性。自決之法。畧言數端。政治上須求全民政治的實現。勿墮墮於黨黨章統之爭。收集思廣益之效。軍事上須求民兵制度的普遍。藉以煅煉國民之體魄。以免擁兵耗財之流弊。至經濟上的自決。尤爲切要。根據德國最高經濟會議之組織。以全民之力促進產業之發展。而實行經濟民主化的政策。自強不息。十年之後。必有成效矣。如因循萎靡。趨起不前。日人縱不寇我。其他列強之謀我者。將不可預計。吾四萬萬炎黃子孫乎。亡國喪鐘。不已響於白山黑水間乎。臥榻之旁。豈容他人鼾睡

。夫狗彘被迫。尙思反噬。豈有泱泱大風之國度。五千年文明之民族。甘心受辱而不自振。謹掬誠揮淚以告吾國人。『吾民族苟自決以求存。雖十日本莫我如何也。苟不自決以圖存。雖無日禍。亦終必危也。』一或興夏。三戶亡秦。願我同胞速秉民族自決大無畏之精神。劍及履及。羣起而圖之。

訪問王正廷記

(書)
(俠)

前外長部長王正廷氏。自被中大學生誤傷辭職。卽回滬寓古技路九十號修養。并開巨嶺達路光華里三號二樓爲避免接應之所。記者因與王氏有舊。特於昨日前往訪問。當蒙延入。首由記者表示安慰之意。畧謂先生(指王)歷辦外交。事實具在。其勞績不得民衆積極稱道者。實爲蔣主席說過三年後必取消一切不平等條約之大話所掩。故於先生親往天津收回比租界時。我(記者自稱)曾勸以適可而止。雖云革命成功。惟辦外交爲有成績。然現狀下黨政軍工作之難做者。亦只有外交官。使當時先生果能決然引去。則今日迭演之萬鮮遼吉各慘案。必反得國人之熱烈歡呼無疑。王氏答之曰。辦外交而受國人之責難。本屬一種良好現象。而世界號稱鐵腕之俾士麥。亦不免受過煩言。大凡功罪是非。宜求之於事後之公判。蓋事實乃爲最大之雄辯也。如王陽明先生。直至臨終時。其門生中猶有不敢執喪者。而今人之追慕爲何如。言次。又以手指其座右

之中山先生懸相而謂之曰。卽如總理。身前受人之慢罵。至有不堪聞問者。何以今日
個個都在紀念他乎。言時。休休有容。似凡引被毆爲能表彰已功之意者然。末尾。並
謂余雖下野。仍時時關切外交問題。日本此次在國際上之名譽損失。比我東省物質之
損失實甚萬倍。國人果能拿出良心來監督外交。力作後盾。則最終勝利必屬於我云云
。彼此暢談一時許。乃爲辭別。旋訪其同行辭退之情報司幫辦吳天放氏。據云王氏迭
經中央催促。或將到京對外交有所獻議等語。歸而併記於此。



政聞

黔省要聞彙誌

(俊木)

黔人請願查辦毛光翔之一篇妙文

滬漢平津港渝各報批評之價值

前旅外黔人蕭海源等。到京請願查辦該省主席毛光翔。其請願大作之頭一段駢文。對句之工。舉案之衆。不但閱者爭相傳寫。而滬漢平津瀋港湘渝各報亦有極端讚美之批評。茲將請願原文暨大公各報之批評。分別補誌于后。諒亦觀衆之所樂聞歟。

(一)請願文

(上畧)竊維爲人設官。古今同慨。以黨治國。中外具瞻。若夫一物不知。事事莫明其妙。萬惡已極。人人皆得而誅。如現任貴州主席兼軍長毛光翔者。位高兩長。呆若木鷄。日除三餐。會又麻雀。行政早召五馬六道之謔。用人久貽十羊九牧之譏。暴飲橫征。再接再厲。賣官鬻爵。愈鬧愈糟。省雖貧聞於東西。伊則富冠於南北。隨時皆想治產。到處但知結婚。他如勒種洋煙。兼專嗎啡之造。估丈田

畝。且攬鹽岸之銷。滿街殺人。貴陽演成恐怖。各縣逼款。村寨釀作丘墟。笑話既已盈城。怨聲亦復載道。受制者苦若芒刺在背。含冤者痛如骨鯁在喉。遑論摧殘有功。信任無賴。官廳儼同煙館。職員無非黑籍之雄。政令難出省門。部隊仍是綠林之性。可憐紅男綠女。多爲匪軍而戕身。無論白叟黃童。並啣毛賊以刺骨。代表等。疾惡有心。除害無力。已忠黨國。何惜身家。雖民權未臻罷免之期。而立法原有請願之訂。爰就該賊萬惡。列成罪狀十條。倘荷曲體輿情。直提議案。固伸國法。尤快人心。否則民衆久類亡國奴。省區早稱活地獄。以其緩則不救。遂覺急不擇言矣。查毛光翔人雖至愚。性實極惡。以其至愚。常爲宵小利用。以其極惡。專爲金錢作孽。不但對周西成之壞處萬倍有餘。抑且對周西成之好處適得其反。但以禁煙罰金一項而論。本爲一種變相抄家及直接滅種之稅政。毛氏繼周主政後。既加徵金額。復加緊催收。名曰禁煙。則罰者係罰其不種。卽盡其所種之田土以種之。竟有全數不敷罰金之額者。於是米糧多化毒物。屢聞人吃人之荒。煙土半化凶器。徒輪自打自之慘。馴至全寨死絕。閭室逃空。黑籍冤魂。充滿苗嶺。此禁煙罰金應請取消者一。貴州食鹽。專賴川產。自毛氏重用馬空凡邱運昌輩後。猶以賄賂公行稅捐繁重爲未足。竟忍對於鹽斤而開出包稅與專賣之毒條。既索一百五十萬包稅於奸商。又勾結趙文麟等壟斷以專賣。種種把持。層層

剝削。遂使鹽斤之價。得隨時高於昔年十餘倍或數十倍不等。可憐鄉村食鹽之家。百無一二。前以餓飯死者。今更加以餓鹽而亡矣。此專包鹽斤應請停止者二。裁撤釐金。本爲革命以來之唯一善政。雖毛光翔之奔走代表跡遍各方。表面上尙言遵奉中央之裁釐也。豈知該輩釐護餉捐局之設。不僅是反抗中央之裁釐而已。蓋釐者。釐金也。護者。強護煙幫之抽款也。餉者。別籌軍餉之稅也。捐者。一切格外派捐也。由是。可知各省只有一病國害商之釐金。貴州且另有三項同樣之釐金矣。然則毛氏所稱遵命者。乃是抗命之謂。所稱裁釐者。乃是添釐之說矣。遑論於四種釐金之外。尙有春貼捐。銅像捐。銅標捐。與稅契費。驗契費。填表費。等等乎。此抗命添釐應請查辦者三。貴州全省皆山。良田絕少。自從強種煙片而後。田賦之出更絕。益以丁糧常有增加。增加之外。還要抬墊。皆於各縣政府另設征收局長以作錙銖之較。不謂毛氏貪殘無厭。近又起用前常痛罵之楊德衡。納其估丈田畝之毒計。美其名曰首先尊重總理之平均地權。實則以其常墊丁糧。見老百姓毫不抵抗。特又借以搶民之食。絕民之路耳。現已着手實行。每縣委員多至三百餘。卽薪食亦反由地方支給。不堪言狀。只以索填表費一項。已經傾家不少。故川人嘲黔人爲怨聲載田。實爲一種最傷心之妙喻。此估丈田畝應請制止者四。

貴州兵額。在劉顯世督黔時僅編六團。猷慮其多。今毛光翔以不仁

兼不才而在高位。自無約束可言。任彼馬弁出身輩到處招納匪棍。隨時強提民槍。尤復虛造兵冊。廣設名目。致使邱連昌到京時對胡漢民院長瞎吹有八師另帶省防軍之笑話。實則有打一師招牌而不足一連人者。如廖懷忠之教導師劉成鈞之第八師等是。有稱一師絕無一人者。如黃道彬之第五師皮德沛之第七師等是。度彼輩虛張兵額之用心。無非對內得多勒軍餉。對外得裝腔作勢耳。然則黔人之負担痛苦可知矣。况招兵無械。籌餉不發。兵匪既已不分。豈有不能仰體上官暗示其自行燒擄之主旨乎。此釐定兵額應請督飭者五。貴州地瘠民貧。盡人皆知。兵工等廠之設。本屬笑語已極。何況尤而效之。不止貴陽一廠。而於兵工廠外。更有白藥等廠者乎。自毛氏乘機尸位後。竟忍踵事增華。年耗民財數百萬。成績毫無。只借修理民團槍械爲名。飭各縣解槍到省。特賺作擴充匪兵及仗勢封人之鐵鑛煤廠而已。假使各省必須成立此廠。與夫此廠果能製造槍彈。亦迥非貴州山地所宜有。黔人力量所能堪也。此兵工等廠應請查封者六。毛氏昏庸無比。性且忌才。罪狀如山。癖兼斷袖。而每年竟有一般污吏濫紳專以做伊母壽及祝伊就職爲請者。真不知人間有羞耻事。不謂今日更有迎合意旨。欲在貴陽大十字大南門等處估撤民房。以備爲毛氏立紀念標者。又必須向各縣各區攤派捐款。卽所謂銅標捐是也。夫以功德而於生前飭人民立標紀念。全國尙無其例。况毛光翔在黔之所謂功

德。實比張獻忠欲改造四川之功德爲甚。蓋張獻忠開明殺人。既較坦白。又便逃避。惟毛光翔之殺人不見血主義。幾致全省死完。尙有不知不覺者。則張獻忠又當如何紀念乎。雖曰貴陽毛氏之銅標。必與西湖秦檜之鐵像共傳不朽。立其所當立。然黔人此時之財力實來不及。而被撤住房之貧民更欲死而不得其所矣。此建立銅標應請制止者七。 貴州賦稅。向不及廣東香山與江蘇無錫之一縣收入。自桐梓二三壞蟲當權後。暴斂橫征。每年增收至一千六百萬有奇。其他苛捐雜稅賣官鬻爵之所得猶在除外。至於支出。僅軍政費略有點綴。即新興之一切駢枝機關。亦概由各縣就地籌給。因毛氏愛錢如命。嫉民如仇。授意於彼之爪牙馬空凡邱運昌輩明比分贓。但專辦大宗茅酒銀耳油綢以要結各方要人。對於省內賑項。雖一最草率之收支慌報。亦不應酬。遂使馬空凡等買盡貴陽地皮。致有金馬趙之稱。而邱文伯日必燕窩人參。置全省之餓飯餓鹽於不顧。此輩若非匿報省帑。何能揮霍如此。此歷年賑項應請飭報者八。 貴州收入。超過支出七倍。支出大宗。自惟有軍政兩費。然政費最大縣分。公經費只共四百二十元。上自縣長 下至卞差更夫薪食。皆包括在內。今且一再縮減。而囚犯口糧亦忍取消矣。又軍費另設有籌餉局。而對士兵每日三個大銅元之伙食錢。且忍措發。試問非開明峻兵爲匪。教官作賊。尙有何說乎。吾黔人遭兵之搶受官之括也久矣。雖集合七百萬人以食盡毛氏

左右之肉。猶不足快。惟於無可奈何之中。懇乞編製軍政預算決算案飭令遵行。或爲緩和暴軍污吏之一法也。此預算決算應請編製者九。貴州雖屬邊鄙。文化殊有可觀。自桐梓軍閥相繼爲土皇帝後。自以其非由學校出身。又積極施行愚民政策。遂日夜以摧殘學務爲萬能。只論貴陽一隅。已先後勒令停辦官立之中學法政農林警察。及私立之達德時敏等中小學校。尤以數十年成績卓著之官立農林及私立達德爲最痛心疾首之事。近且各縣之校址多被兵佔。各縣之學款均被省提矣。此摧殘學校應請查辦者十。以上諸端。瑣瑣大者。其他侵蝕各縣電話之基金。圖謀大興兵房之土木。冒領水災之賑款。濫括造幣之現金。穢德彰聞。烏煙瘴氣。以桐梓之一販夫走卒。亦得榮膺師長縣長。以桐梓之一連長卡員。亦得坐擁十萬五萬。代表等。未嘗不知彼輩之待我黔人。有甚於英法之對印度安南人。通緝查抄之禍。盡人可加。生殺予奪之權。隨口而定。言念及此。不寒而慄矣。維思水火深熱。靡有底止。人心未死。豈安緘默。倘荷曲予嚙納。提議查辦。固挽黔人之浩劫。亦保國法之尊嚴也。云云。

(二)各報批評

天津大公報曰。京滬一帶的貴州人。對貴州主席毛光翔極力反對。最近準備向國民政府請願。列舉毛氏的十大罪狀。像這樣吹活老虎的毛。也可以算得是懦弱

社會的強者了。而且他們的呈文駢四驪六。煞是可觀。（到此直錄上項全文迫將全文登完之後。又謂）這一篇駢體文章。總算罵得淋漓盡致。可不知道出於那位作家的手筆。把白話摻入文言。真算最值得傳誦的東西咧。云云。天津其他各報之記載批評較短。因大公報爲現今全國第一有價值之報。故詳錄焉。

上海各報之批評。或曰黔人倒毛之絕妙好辭。或曰貴州毛主席被彈劾之妙文。或曰。貴州主席毛光翔。自任其惡童爲鬼爲賊後。引起黔人之絕大反感。除在省之資某等早有秘密組織外。該省旅外之文武人員。亦皆大有結合。其在京滬者。近且擬向國府請願。其呈文舉案之多。駢對之妙。可謂絕無而僅有云云。尤以三日刊中之龍報。中報。鐵報。味報。大品報。等二十餘家批評爲最有趣。因不勝枚舉。特從畧。

漢口各報之批評。聞謝猷廷君所述。畧如上海。謝君因愛其文。特買多份寄到貴陽友人云。

長沙各報之批評。據洪江湘黔邊區剿匪司令部軍法處長庾俊生君所談。謂司令部由長沙購得多份。卽司令官王紹武君亦得讀過。各閱者欲均稱其文之妙不可言云云。

重慶大中華日報等家。則稱爲「受害黔人之一篇絕妙呈詞」。并謂據南京航空快

訊。旅居京滬一帶之黔人。近因該省主席毛光翔在黔措施。多所失當。曾於日前具呈國府請願。其文駢對之妙。可謂空前絕後等語。

又香港方面。據何世昌來滬談及。亦經各報爭載。惜未帶來。而北平瀋陽之報紙。自當轉載無疑矣。此請願毛光翔之一文。竟有蜚聲全國之價值。故併誌之。

▲黔毛清查田畝

(伯輿寄自貴陽)

□借券數百萬

□職員一萬餘

□全省騷然

□暴動可慮

我貴州省主席毛光翔。主黔數年。建設毫無。怨聲載道。種種稅政。報不絕書。近更神經衝動。謂黔中田賦不實。須從新清查。以裕省收。於是組設清查總局於貴陽。以馬應長空凡兼任局長。預算開支經費。須三百十餘萬元。但此款省府更不願墊支一文。而職員薪俸公費各費。又萬不可少。於是由局中印刷田賦借券數百萬元。以作開支。計委清查委員二萬五六千人。平均每縣約三百人左右。此種委員。純為各政治要人之

親戚兵弁。以及失業之流氓差役。每人計發借券數十元至數百元。以爲火食公費。此輩委員。每人又用轎夫挑夫三四名。隨從二三人。一日所需。必要開支。均在十元左右。政府更不發一文現款。彼輩又不枵腹從公。且各抱發財主義。其遇事生風。藉端搆詐之手段。又其特別專長。而各委員一到指定縣分。召集地方區保第一次會議。卽籌伏馬費公費若干。(貴定舊縣卽希牧家且被委員詐害)第二步卽以所領不兌換之借券。實行分派。第三步則召區保估定田畝。并借清查名義。有田十石者。則云查得百石。田主畏其呈報。此後賦稅負擔無窮。於是出鈔運動。各委員與區保狼狽爲奸。遂以苞苴之多寡。定呈報清查之大小。田連仟陌者。反得最小之呈報。無力送鈔者。或畏將來之負擔過重。棄業遠徙者有之。或盪產以圖平安者有之。全省騷然。民不安枕。強者更煽動其間。民衆暴動。危機四伏。查各委員出身複雜。更無清丈學識。又無清丈器具。所到各縣。專以敲詐爲能事。田南地北。足所未經。或丈或尋。目所未覩。惟以收括爲目的。此清查田畝之成績也。黔毛深居宮院。恬不知非。左右羣小。又復諱莫如深。卒至四境騷然。黔毛尙以爲安如磐石。旁觀者莫不以毛之此舉。爲自葬送其政治命運云。

黔政一斑

(步高自黎平通信)

▲黎平縣長劉明敏之貪污

▲可以代表全黔縣政之黑暗

黔政腐敗。人所共知。吾黎平縣縣長劉明敏貪污情形。尤可代表全黔政治之一斑。其實料如左。

(一)政治設施 劉明敏到縣之初。即標休養生息四字。以爲施政鵠的。因之一切建設事業。無論其應與應革。概予停止。已毀之土地廟。觀音堂。……概行修復。馬路保甲。立令停辦。結果則出城三四里。即感軍隊難行。商旅裹足。舉步維艱。差役搯詐之風。黎平本甚。劉到以後。佯示制止。但所派委員。絡繹於道。每一委員下鄉。隨丁數十。雞鴨魚肉。一掃而空。其他伙食錢。快馬費。草鞋錢……凡前清所有者。無不應有盡有。於是人民乃知縣長之制止差役者。以縣長無利可分也。委員乃縣長之親戚。故縣長制彼而縱此。劉之署中。計有親戚隨員三十餘人。此輩入黎時。捉襟見肘。一二月後。無不衣冠楚楚。狐裘皇皇。休養生息。如斯而已。

(二)教育狀況

劉到黎未及二月。即停辦成立數年之聯立中學。青年學子。失學

者二百餘人。全縣小學。則聽之自生自滅。從未以一元補助。更可惜者。黎平自近數年來。迭遭兵匪。人民逃徙死亡。十損二三。日常必需之水木石工。均仰之外縣。林前縣長乃多方捐募款項。成立職工學校。以培養工業人才。收集游民。劉亦令其解散。若謂經費無着。則前任何以開辦如故。從未中輟。乃學校已停。劉之兼中學校長津貼。支領如故。摧殘教育。貪污無恥。亦至於此。

(二)貪污一斑 劉到任未久。即爲其老太太作生。通令各區保。每家派壽金四角。並派委員下鄉勒收。全縣約三萬餘家。赤貧者萬餘家。是生日收入已萬數千元矣。轉瞬又自行作生。仍如法辦理。二次收入。三萬元以上。縣長腰肥肉臭。樂果靡涯。而鄉人之典質啼號。真令人聞之髮指。近又借清鄉名義。出城未滿七日。即解款三千八百元入署。刻則已歷三月之久。猶未返署。其收括情形。諒可推測。故黎人謂其清鄉爲清箱。清人民之銀箱衣箱……其他派款購槍。槍不知何時可得。而款則急如星火。且又每枝多派十五元。殷室之被誣陷傾家最著者。有潼關楊區長。廖家灣廖氏。此誠黎人之浩劫也。

(四)用人對士 劉某如此貪污。地方人士。何以默無一言。一以毛主席對民事漠不關心。一以劉善於應付。如黎平巨紳張步先等數家。劉必前往清談。情面所屈。新交舊識。隱忍於心。故劉敢肆無忌憚。若宵小劣紳。如徐璧九胡介廷之流。

能爲彼爪牙。甘作走狗。則用之重任。正直良紳。如趙仲三陳聯輝張季善等。則屏而不用。縣署之中。麻降二三場。平調入霄漢。暮夜包苴。說案。直同闖闖。官場如市場。信不誣也。

(五)日常言論 劉縣長聚錢作生之日。某舊識笑詢之曰。如此作生。毋乃太費。劉曰。作生之舉。上自毛主席各廳長。下至各小局長。莫不如斯。且有無母之某團長。因無母作壽。乃接其已嫁之母還家作壽。余之爲此。君何獨怪。派鈔作生。黔毛已視爲黔省政局中之不成文法矣。故各縣乃敢大胆如斯云云。嗟我黎民。何以堪此。

查全黔八十一縣。黔人談者。咸曰縣長如何貪污。黔政如何腐敗。但均語焉不詳。余作此篇實事新聞。尤可作貴州縣治縮影。毛主席愛官如子。忌民若仇。故二年以來。整飭吏治。懲辦貪污。絕未一見。苟非故縱。卽係曠蕩。主席如此。縣長又如彼。黔人將無噍類矣。深望中央政府有以拯救黔人也。

貴州民衆的自救方法

(梅黔俠)

自從毛光翔因緣時會主持了貴州軍民兩政，挾其無上權威，肆意爲惡，真弄得貴州到了「有捐省苛」「無政不暴」的景象！我們雖然旅居在外面，去家很遠，不會親

身受着，見着，但每次接到家中或省內親友們的信件，和會着初由省內出來的同鄉們，無一個不詳詳細細地報告他們在家鄉因毛光翔的苛捐暴政所壓迫剝削而直接間接感受的一切痛苦；尤其是在北平出版的黔光和在南京出版的南明兩種刊物裏面，使我們得到更多的政府方面的貪污苛暴的事實同着人民方面的憔悴呻吟的情形。所以：凡是貴州同鄉會了面，不提到家鄉的問題去還好，要是偶爾談到貴州內政上面去，無一人不是疾首痛心焦頭爛額的相顧太息。

貴州政治上演成這個現象，自然是因爲毛光翔之不學無術，不惟夠不上當省主席，就是當軍長也是憑他的一點機會，再加以他是一位愛錢如命貪得無厭的土酋式的傀儡，他既有權有勢，焉得不儘量的搜括以飽其私囊呢？政治的良否，人民的痛苦，那裏會能在毛大主席的想念中盤旋一下呢？我們試一檢查毛光翔充當主席以來的政治，有一件不是吮吸民衆膏血的嗎？有一件不是增加民衆負擔的嗎？貴州財政上的黑暗，自毛光翔而開新紀錄，真是黔人之大不幸啊！

以貧瘠著於全國的貴州，能夠每年搜括到一千七八百萬元之多，我們真佩服毛光翔的聚斂手段！一省的稅收，敢於不顧人言不畏法令攫取十分八以上充其私囊，我們真佩服毛光翔的要錢胆子！且舉事實來做我們對於毛光翔搜括本領之五體投地的證明：

貴州每年收入約一千七八百萬元，不是信口說的，是根據事實統計，並且是不久以前由毛光翔的駐京辦事處長邱文伯和貴州財政廳裏面的職員說出來的。他們同樣的說：全年本省運出特貨約三萬餘担，每担徵通關稅一百六十元，共計約收五百萬元；全年禁烟罰金，約收三百餘萬元；雲南特貨經過省境，每年徵取通過稅約二百萬元；全年田賦，約一百萬元；全年釐護餉捐，約二百五十萬元；鹽稅包額，一百五十萬元；其餘如屠宰，烟酒，印花，……雜稅，全年約二百餘萬元——合計全年收入約一千七八百萬元。這個數目，是就政府方面的收入統計，若另從人民身上來計算，正供之外，又有層層經手人的需索和徵收機關的陋規，細密算來，恐怕超過正供一倍而有餘！民國四五年時的貴州，每年稅收不過四五百萬元，在這十五六年中間，人民生產上不惟沒有絲毫增加，且因軍事，匪患，天災，……紛至沓來，已弄得生計維艱，蕩產流離，今再加上幾倍的担負，其困苦更不堪言了！

再看毛光翔的支出——今年五六月間，毛光翔的賬房貴州財政廳長馬空凡在京滬漢各地向各同鄉報告貴州全年支出的大概：1. 軍費六百萬元；2. 政費二百萬元；3. 清丈田畝經費，二百萬元，共一千二百萬元。賬房式的馬廳長這一篇簡單明瞭的賬單，把全省支出包括無餘，我們知到這位賬房先生這次出來的任務是向中央陳述貴州收入之微小和支出之浩繁，要向中央請求補助，那麼，這一篇支出賬單，正不免有許多浮

報之處，不可遽信！我們姑且承認牠是確實的，每年收支兩抵，也應該餘剩五六百萬元，何況實際支出的，比收入數目尤覺駭人聽聞呢？據曾經服務於毛光翔的行財政機關及部隊裏面最近出來的幾位朋友說：貴州軍隊，現在不過一萬餘人，王家烈一部，駐防湘西勦匪，約佔半數，純由中央及湘政府按月撥款維持，歷未得過毛光翔一次接濟，故王部異常困苦；至於省內部隊，僅僅七八千人，亦未曾發過薪餉，每月只支伙食，計官長十二元，士兵六元，再加上各旅團營連的最少數公費及單棉兩種服裝費，每年至多用不了一百萬元。政費方面，貴州全省八十一縣，從前每月公經費，大縣四百二十元，中縣三百六十元，小縣二百四十元。迭經減縮，所發不到六成；徵收局每月經費，大縣百元，小縣八十元，有過半數稅收太少的縣份，則由縣政府代辦，未曾設局；其餘各稅稅收機關，均係設於交通較便商務較盛的所在，全省三數十所，每月每所開支亦僅百餘元；省府各機關，概未支薪，只有辦公費，每月開支有限；教育經費，全年十餘萬元，現以省帑支絀，實際亦僅數萬元，故全年政費，亦用不了一百萬元。至於清丈田畝，說起來更令人髮指！毛光翔爲圖增加收入，調劑私人，故假平均地權的美名，不管民間瘠苦，派出多量的調查委員丈量委員，分赴各縣，一切伏馬招待……等費，概由縣政府視各區保之肥瘠而分攤供應，各委員又擇當地富有之家，故意挑剔指責，必待包苴暗進，囊橐充滿而後止，費用完全另出自人民，那裏開支了一

文省幣？據說：這般委員敢於如此肆無忌憚的原因，是因省府各機關各部隊歷未關發薪餉，毛主席覺得他們太辛苦了，不忍教他們長久的枵腹從公，而行財政位置又太有限，難於雨露均施，所以才異想天開的巧立這清丈田畝的美政，將這優差委給他們，讓他們到各縣去措措油水，以償數年來的清苦。這是毛主席民包物與天下為公的仁政，如餓狗般的委員們，仰體憲意，自然鞠躬盡瘁的認真壓榨，不怕民衆不願意了！

這樣極滑稽的一省財政的收支數目，初聽去，我們也以爲似乎太不倫類！太不確實！但是若將貴州實際情形細細地思索一下，問問最近由省內出來的朋友，大概除了毛光翔本人及與他分肥或從中措油的爪牙走狗而外，誰也不會以這統計數目為過甚之詞。一省的財政剩餘要超過支出七八倍，這是今日之貴州特有的現象吧！毛光翔攫取了十分之八以上的省款充其私囊，而天天喊着「省幣空虛」，不惟以此向中央騙取協濟，并且以此扣剋公務人員武裝同志的心血貨價——薪餉，毛光翔的肉還足食嗎？

吾人的膏血有限，毛光翔的慾壑難填，長此下去，黔人真無唯類矣！他這種殺人不見血的手段，比十六省空前水災還要厲害！比共產黨匪燒殺擄掠還要可怖！比東三省被日本帝國主義者侵奪還要慘傷！至於各省水災，有仁人君子的輸捐救濟；共匪囂張，有勇敢國軍的兜勦剪除；口人暴行，有舉國一致的共同抗禦，獨貴州民衆，僅存奄奄一息而尚不斷的被毛光翔蹂躪着，既無抵抗的勇氣，又無援手的仁人，聽其吮吸

剝削，死而後已，最可憐可痛的人類，孰過於此！

親愛的可憐的同胞們！貴州遠在西南隅，中央的權力是達不到的，毛光翔的罪惡，何人制裁他呢？政權兵權在他一人掌握中，又還有何人能使他恐懼呢？除了日夕祝禱望其即得暴疾而死以外，還另有什麼方法可以去此貪婪暴厲剝削民衆的罪魁呢？這種無意識的咀咒，又有什麼效力呢？

同胞們！我們要除此民賊，要死裏逃生，只有「靠自己」一條路，其餘都是走不通的！我們趕快團結起來，憑我們的熱血，憑我們全省一致的力量，拒絕一切苛捐雜稅！監督全省財政！清核以前收支！剷除貪官污吏！如此幹去，不特民賊可除，且可以保障將來不致再有毛光翔第二發現！同胞們！死神緊緊包圍着我們，只有這一條路可以求生，自然沿途的荆棘很多，若再遲疑，不賈着勇氣前進，真個只有等死了。

運用羣衆力量來爭取羣衆的生存幸福，是絕對可以成功的，歷史上給了我們不少的例子。我們不要顧慮！不要退縮！不打倒毛光翔，不建設廉潔政府，決不停止我們的努力！

同胞們！最後勝利，判決於我們的團結堅固不堅固，我們快快團結起來！堅固我們的壁壘！去！

打倒壓迫剝削貴州民衆的毛光翔！

剷除毛光翔的一切爪牙走狗！
建設真正的廉潔政府！



忍觀。又是否較實爲可憫。悽慘萬分乎。

平心論之。與其稱桐梓人爲遍地哀鴻。毋寧稱桐梓人爲遍地老太爺之爲愈。先以軍官言之。貴州現有軍隊二十團。除一個光桿團長係湖南人宋醒而外。蓋爲清一色之桐梓系也。計每連官佐六人。每營得三十人。(營部以上必遞加軍需副官等職)每團百人。合計約二千人。加上軍師旅部之參謀副官軍需差遣以及顧參諮等等。必在三千開外。可見桐梓人於軍官方面。已有三千老太爺之多。再於縣知事。征收局。釐金局。丈量局。與夫科長。科員。委員。卡員。代表。稽查。督催員。經征員。種種官吏。真比軍官四倍有餘。總桐梓一萬三千餘家。共有老太爺一萬五千以上。超過之數。因尙有所謂雙料老太爺三料老太爺者。(如一家有二子任皆做官故稱三料老太爺)足證家家皆老太爺矣。誰不知桐梓一連營長即可擁十萬八萬乎。縱令有災。何望乎賑。然則遍地老太爺。尙何目不忍觀之可言哉。恐係不忍觀其老氣橫秋之狀耳。

至於該輩所舉以陪襯桐梓之災區縣分。則爲廣西邊界之榕江。湖南邊界之松桃錦屏台拱。四川邊界之赤水畢節沿河。雲南邊界之興義安南普安水城織金募役等。決無一縣附近黔中。卽與桐梓毗連而且地當烏江之衝之遵義。亦在伊等割愛之列。旣云水災皆在邊省縣分。何以鄰省之各縣獨無災乎。其爲欺邊遠縣分無力分羹之居心。顯然可見。故各省爲災情奇重。貴州獨爲災情妙重。平常奇妙兩字之解釋。固無甚軒輊。惟用以喻

各省與貴州之災情。則大可玩味矣。

總而言之。桐梓人爲遍地哀鴻。吾人只好屈服。但據邱二先生報告。已領得國府五萬元賑委會三萬元匯到貴州云云。願我十三縣陪客民衆。速向省府攤分此項賑款。並要買問當局。既蒙報有田土全被沖沒。何以還要丈量田畝。此記者敢以兩件大事向我邊縣同胞大聲疾呼也。

所謂邱文伯妄改約法者

(古友)

邱文伯先生。前以貴州駐京代表而充國議代表。因爲「有官皆桐梓無酒不茅台」之一證。無所用其詫異。惟邱先生踏此大步。不知相形見拙。舉手附和。反敢以「之乎也者而且况且」之小學生筆調妄改軍國大事之約法。正所謂多見其而不知燈籠火把矣。查約法某條載。「現役軍人。因服務而致殘廢者。國家應施以相當之救濟。」等語。文氣何等斬截。何物邱先生。竟改爲「凡軍人。因服務而致失業或殘廢者。國家應施以相當之方。或謀永久保障之辦法。」云云。真可大噴其飯矣。作者不敏。謹仰體邱先生之得意而加以解釋。則原文明明限於現役軍人。邱先生偏要改爲凡軍人。以爲雖退伍或被革至三五十年之軍人。皆可援用此條之意。又謂因服務而致失業。不知既服務而何反致失業之有。大概邱先生由書記高升到總金庫主任。皆係在黔軍範圍中。而

黔省軍官之服務。多以帶販烟土爲業。一旦此等軍人。因盡職販烟而被沒收或革職失業者。國家應施以發還之方。或某永久復職之辦法。此邱先生擔憂長官之微意歟。又方字云云。乃我貴州老向人要錢之謂。亦云想方。又云想辦法。故邱先生下句再重犯辦法兩字。卽是點醒方字而然。至於以兩個之字而打破法律文字之紀錄。更爲邱先生一生得意之作矣。

胡說八道

(書俠)

胡說八道(亦稱胡說霸道)一說。本是古人借以形容胡說達於極數之意。事實上固決無如此胡說之人也。事實上而有此胡說之人者。則在二十世紀之持平始。持平以隨便說一句話而貽人以八大可駁。真爲有語意文字以來之唯一奇聞。雖吾人好筆戰如過年。亦當對此胡說博士而生畏心。蓋使此人胡說至於千言。每言皆有八大可駁。縱一駁祇費一語。亦當用八千言之數。試問做文章之麻煩。孰甚於此。嗚呼胡說。嗚呼八道。

諧林

新聲律一打

(書俠)

其一 (為鮮案而作)

寧對粵。正對偏。張桂對馮閣。

水災對火併。外寇對內奸。

總理墓。中山鞭。弱國對強權。

精衛能填海。介石莫補天。

甘肅省年年遇禍。貴州人個個含冤。

赤軍逞兇。蘇俄侵吞蒙古。

黃種自殺。日本慫恿朝鮮。

其二 (為諷時而作)

汪對蔣。德對威。功首對罪魁。

流氓對綁匪。司令對指揮。

生殖器。垃圾堆。胡說對瞎吹。

投機重力子。變節師稚暉。

老九人團擁克武。新六君子加布雷。

石友三反目奉軍。已經上當。

何輯五痛心黔政。且看下回。

其三 (為國難而作)

兵對匪。盜對官。和會對戰團。分贓對共管。慘劇對悲觀。
上台易。下野難。閒話對空談。征俄韓光第。抗日馬占山。
提倡聯盟威爾遜。主張談判白里安。亂七八糟。國賊居心巨測。
逐什一利。奸商握手言歡。

其四 (同 上)

遼對吉。港對灣。招匪對賣官。雞姦對馬弁。文化對野蠻。
擁介石。背中山。滾蛋對炸彈。偉人簽匯票。學子寫傳單。
東北天堂推三海。西南地獄算四川。只顧身家。鮮人竟從小鬼。
不忘祖國。台民猶有生番。

蔣介石易和三元難符四喜

(未完)

(書俠)

人皆謂官場如戲場。我亦謂戰場如賭場。今日賭場之類似戰場者。又莫如麻雀牌之竹戰場也。年來蔣介石之東擋西殺。南征北討。正與竹戰中爲三元四喜忙者無異。然則蔣介石果欲打中發白乎。曰然。即李宗仁之中。(聞桂人有勸宗仁改宗字爲中較好者)張發奎之發、白崇禧之白、是也。牌中三元固難和。蔣之三元尤難符。此國人所共

知而共聞也。幸中發白共忠於汪。汪蔣既可合作。則蔣之三元必可和矣。目下不易和者。厥惟四喜。四喜云何。卽北風之馮閣、南風之粵陳、西風之川劉、(文輝)東風之倭奴、是。四風會中。以西風毫無問題。蓋川軍之在中國。亦若中國兵隊之在國際。只知自殺。決無對外之能力。其南北風。亦因和會而大有轉機。所難者。東風耳。故蔣氏近因國人責難。有不可不親去自摸東風之概。不過此張東風高居槓上。非若對內之一切可以亂摸者可比。使無開槓機會。必反挨他人之滿貫無疑。故曰、蔣介石易和三元難符四喜。

貴州之三多九如

(洪江一商人投稿)

▲主席錢多

▲各縣官多

▲地方匪多

三多九如之頌。習聞之矣。顧貴州目前之所謂三多九如者。則大異於昔。余聞而傷之。是不可以不記。

(一)主席錢多 貴州主席毛光翔。主黔兩年矣。貴州雖號貧瘠。然竭澤而漁。每歲之入。仍二千五六百萬元。而毛氏之用於政費者。不過百餘萬。計一等縣四百元。

二等縣三百元。三等縣二百元。省府及各廳局。不過二三萬元。綜計月約十餘萬元。年只百餘萬。教育費。則只省垣三數學校月支萬元左右。各縣統係地方經費開支。故此項只十餘萬元。軍費雖號稱歲支三百餘萬。但實際不過二百萬左右。蓋以黔軍向不發餉。官佐月給十元。士兵只四元五角。而駐洪王部。更只數月一發。統計收支兩抵。歲餘二千餘萬（連賣官等在內）此款全入毛氏私囊。再加敲詐良民。年亦數百萬。販煙所得。餘利亦年約三四百萬。兩年綜計毛氏私產。約在一萬萬元左右。中國第一富豪。毛氏已當之無愧。倘更假以時日。則煤油大王鋼鐵大王。更瞠乎後矣。故曰錢多。

（二）各縣官多 貴州各縣。省府從不計其大小。察其收支。權其緩急。唯以委官爲能事。計政府委用者。一縣長。四局長。一徵收。數秘書科長。一二十科員。數十大分小各隊長。司事卡員。近更突增數十以至數百之清丈田畝委員。各縣官吏少者數百。多者千餘。其他臨時委派之視察員特派員等。概未計及。全國數千縣。想無一縣能及貴州者。官吏如此之多。開支之大。收括之甚。敲詐之煩。人民之苦。蓋可想見矣。故曰各縣官多。

（三）地方匪多 貴州山岳起伏。田畝特少。人民終果勤勞。尙多啼飢號寒。乃毛民主黔以後。當內戰之餘。繼之以苛斂。人民生計。半陷絕境。其不甘流轉者。無不

競起荏苒。全省八十一縣。無縣無匪。數之少者。亦以千計。人民裹足。商旅絕途。更可嗚者。各地駐軍。不特不敢擊匪。且更畏匪。士兵更時拐搶投匪。目前之貴州。真可稱之曰匪國。故曰地方匪多。

九如之說。則（一）主席貪如狼（二）縣長勢如虎（三）廳長惡如獅（四）軍隊怯如鼠（五）土匪多如毛（六）賦稅密如網（七）胥吏餓如鷹（八）百姓苦如牛馬（九）更有老總馬弁類如狐（毛有斷袖癖）觀此則貴州之政治狀況思過半矣。故特喻之如上文

空前別開生面之小說

集戲目荷花三娘子別傳

（書俠）

集戲目千餘、經時間四載、

無句不有戲、無戲不入書、

娘子，軍國之女也。王姓字鳳仙。其先世因渭南奇案而逃吳國。卜居于姑蘇城。凡八百年乃生娘子焉。娘子父名王昌。母爲仇大娘。卓二娘。李三娘。以迄於杜十娘。娘子則與第十三妹蘭英。同出于承房林四娘之呂四娘。有東吳二喬之目。後共受業于田

七郎。每月修金十五貫。惟七郎本一風流棒匪。見娘子具有雪艷孃之美。不免大起慕
艷驚鶯之心。爲講珊瑚傳時。故作十八扯以示戲鳳（因娘子名鳳仙）其父不勝恨恨恨之
至。既遣老媽徐母擊硯于前。又使丫環春香鬧學于後。七郎恐遭貪歡報應。乃夜遶而
走麥城。

會。王昌納媒婆周溜娘荀灌娘之言。將娘子許配於揚州府之張老實。蘭英亦許與嘉興
府之馬三保。嗣因娘子有三不願意。特作請宴賴婚。借龍換鳳之法以開姊妹易嫁之風
。在老實明知拿花得雨。顛倒鴛鴦。亦只好引風箏誤花田錯之故事以自况。尙無所謂
奪妻恨也。

然娘子仍聞三保爲醜新郎。亦有才女拒婚之意。迺父遂破除迷信。特做孔雀屏以擇婿
。有龍門郡宋金郎者。少負英雄義氣。不惜毀名全交。素與武文華年羹堯爲患難金蘭之
友。自比劉關張亦稱風塵三俠。迨在東阜莊三義絕交後。金郎乃獨遊姑蘇以看看蘇州人
。適值二月二日之廟會期。獲見娘子由三教寺小逛廟而歸。髮飾碧玉簪。耳墜龍鳳環
。項圍一串珠。身着珍珠衫。腰拴合鳳裙。足踏紅綃鞋。一手提鎖雲囊。一手拿桃花
扇。麗固可儼桃谿雪色。豔亦無異空谷蘭花。其一種開天闢地以來未有之神情。迺非
專賣胭脂而作東施效顰者可比。使金郎不得不作桃林驚艷之感。一日。又見與其婢蓮
香伴立于富春樓上。因襲司馬琴挑法。竟結一笑緣。金郎乃修一封書拋落花園中。托

詞由西湖館主代達。略謂僕自光復南京。卽常夢遊上海。茲更扶琴訪友。來遊西湖。幸值葡萄會期。萬花船光怪陸離。湖水固勝于瀟湘夜雨。風景亦賽乎洞庭秋光。窮花富葉齊飛。湖天幻影一色。倘君肯效寶釧出府。借賞佳期以作愛情試驗。能進一步湊成天配姻緣。詎非吾人之長生樂事耶。娘子在花園拾得此書時。並發現情牋二絕如下

其一

名士美人儂所癡。

藍橋玉杵問誰遲。

難忘一種紅菱豔。

恰似貴妃醉酒時。

其二


綠野仙踪何所之。

敢追范蠡訪西施。

千金一笑雖能買。

暗渡陰平在幾時。

(未完)



木鐸。想張孝桓一流人物讀之。必更興奮無疑矣。書俠與韓將軍本有一面之雅。而彼之表兄王冠吾君。尤爲書俠之摯交。記兩月前。王君由瀋陽函約書俠前往參與公葬韓將軍之典禮。當經答有一函。駢四驥六。頗得東北友人之傳誦。畧謂「寄下韓斗瞻遺蹟一書。業經屢讀。觀夫淋漓滿紙。慷慨半生。氣宇之都。可儼陳平冠玉。文思之美。堪夸謝石碎金。而况戎馬書生。威風凜凜。英雄兒女。情致緜緜。雖云紫電青霜。忽沒異彩。固信白山黑水。常留奇芳。將來到遼。定往觀禮。以其激發匪淺。印象最深故也」。云云。不可謂非貴報欲以旌表韓將軍者之一助也。所恨者。書俠本屬寒酸。且繁食指。赴義既無寸鐵。解囊惟有餅金。謹先奉大洋念元。容設法湊手。再與捐助馬占山之軍費同行補上可也。

關於黔政黑幕之一函

李書俠答黔當局

黔毛誤以旅外黔之人整個反對於伊。及京滬平間之有宣傳刊物出現者。皆爲本社李書俠君主動所致。特於上月飭其某廳長電托湖北何主席轉托牟貢三君再達於李。表示歡迎李君回黔。另有借重之意。當由李君詳覆一函。關於論列黔事。頗有一讀之價值。特照

錄如左。

(上畧)讀貢老轉來尊電。承獎以心熱口快四字。雖云譽之過當。亦覺言之有由。而弟之所以遭忘於劉小鬼者。適爲吾兄一語道破之矣。蓋心熱建設。既使伊相形見醜。而口快嫉惡。尤使伊啣之刺骨。故弟能以此見賞於君子。而見惡於小人也。毛羣麟之對弟。本無私怨可言。當日播弄害弟者。全爲劉小鬼一人。馬空凡君到申。亦已說明之矣。至於逸濱與弟。私交固摯。然公義私情。貴有分寸。假使羣麟主政果有清明之象。逸濱主張毫無價值可言。則不特在外附和逸濱者。皆屬盲從妄動。而弟之奔走號呼。且必受各方笑罵爲卑劣之報復手段矣。况弟平生出處。自有立場。以最時髦而又最捷徑之國民黨員。弟尙矢口不認。可謂弟甘爲任何人之黨羽乎。若問弟與逸濱之關係來歷。約有兩端。其一。周繼斌在時。劉小鬼屢害弟爲共黨。并進弟罵有周繼斌不配委弟之讒。使無逸濱與言三竭力解釋。弟必作宋伯羣第二無疑矣。其二。今春家母去世。四壁蕭然。逸濱曾私托劉聘卿匯借三百元到舍助理喪葬。弟則過後方知。夫如是而教弟賣友求榮。不與逸濱爲伍。道義無論矣。良心之謂何。但私交歸私交。政事歸政事。逸濱是否圖謀黔政爲一事。弟之能否贊成現政府又爲一事。內外表同情於逸濱者。固大有其人。而弟必欲站在民衆方面者。又何必假逸濱以自重。且弟爲深知逸濱者。當其將赴洪江

之時。弟曾力勸其再到貴陽盡詞借著。內以除政治之貪污。外以緩同鄉之空氣。蓋保留桐梓武力。即所以維繫黔軍系統也。乃羣麟直迷不悟。夢死醉生。既懼逸濱回黔奪政、反於可以籠絡逸濱在外之一虛官銜。亦忍朦蔽取消。更以替羣麟激成公憤之邱文伯而繼其後。竊嘆吾黔之辦外務事宜。無一人不丟臉。無一事不自殺也。其有弟個人問題。請勿齒及。弟前在黔尙日日恨不能效着翅人以出省。今已遠離苦境。詎有再作歸計之理。此固不僅政治黑暗。軍隊凶橫。即一切文化遊藝交通衛生之科學設備尤陋。殊非吾人居住需求之所宜也。倘羣麟能從此改過遷善。遠佞親賢。計劃建設。公開財政。則弟當在外擁護之不暇。有何反對之可言。否則縱能回省。而邪正不兩立。必受第二次通緝無疑矣。承囑以誠相見一節。似有未盡知弟者。弟平生有恩必報。有言必行。自始至終不變主張。當面背地不失常態。既蒙不棄而下交之。應請特別注意此點可也。

會共

院子子

十元

共

此

何

銀封椒

銀封椒

上川

封

銀批

出新

出好

封

